

Prvi podaci o kameničaru, *Arenaria interpres* Linnaeus, 1758, u Bosni i Hercegovini

DRAŽEN KOTROŠAN¹, DENIS BOHM¹, GORAN TOPIĆ¹, DRAŠKO ADAMOVIĆ², JOVICA SJENIČIĆ³, **ILHAN DERVOVIĆ¹**

Kotrošan, D., Bohm, D., Topić, G., Adamović, D. Sjeničić, J., **Dervović, I.,**
2014/2016: First data on Ruddy Turnstone, *Arenaria interpres* Linnaeus, 1758, in Bosnia and Herzegovina

This paper presents the data on the sightings of Ruddy Turnstone, *Arenaria interpres* Linnaeus, 1758 in three sites in 2015. and 2016. Those are the first data on this species for Bosnia and Herzegovina.

Key words: Ruddy Turnstone, first data, Bosnia and Herzegovina

UVOD

Kameničar (*Arenaria interpres*) je u potpunosti migratorna vrsta koja gnijezdi u sjevernim dijelovima Evroazije i Sjeverne Amerike. Svjetska populacija se procjenjuje na 460.000 do 730.000 jedinki, dok se evropska populacija procjenjuje da broji 35.900 do 77.100 parova ili 71.800 do 154.000 jedinki. Iako se ova vrsta svrstava u najmanje ugrožene (LC-Least Concern), smatra se da je trend populacije u opadanju (BirdLife International, 2017).

U Bosni i Hercegovini ova vrsta nije ranije zabilježena (Kotrošan, 2008/2009), dok je u zemljama balkanskog regiona (Slovenija, Hrvatska, Srbija, Makedonija i Crna Gora) zabilježena kao malobrojna vrsta u seobi (Lukač, 2007; Henžel & Šere, 2012; Saveljić & Jovičević, 2015; Šćiban & al., 2015; Velevski, 2011).

METODE

Podaci su prikupljeni u sklopu redovnih pojedinačnih i zajedničkih istraživanja vršenim na području kraških polja i Posavine. Ptice su posmatrane dvogledima uvećanja 8x50 i teleskopom uvećanja 45x.

Prilikom posmatranja sačinjena je pojedinačna fotodokumentacija od strane autora i video dokumentacija koja se nalazi u vlasništvu Produkcije Visoki.

REZULTATI I DISKUSIJA


Kameničara (*Arenaria interpres*) je prvi zapazio Denis Bohm 2.5.2015. u Klepcima na jednoj adi od manjih oblutaka na Neretvi. Na istom mjestu ova vrsta je posmatrana i sedam dana kasnije, kada su se u grupi posmatrača nalazili i engleski ornitolozi Michael

¹ Ornitološko društvo "Naše ptice", Semira Frašte 6, 71000 Sarajevo, naseptice@hotmail.com

² Društvo za zaštitu istraživanje i zaštitu biodiverziteta, Brace Potkonjaka 16, 78 000 Banja Luka, drasko006@yahoo.com

³ Društvo za zaštitu istraživanje i zaštitu biodiverziteta, Brace Potkonjaka 16, 78 000 Banja Luka, jovica.sjenicic@gmail.com

Blair i Tim Loseby. Pošto je Bohm ovu vrstu s vremena na vrijeme posmatrao na ušću Neretve nije joj posvetio posebnu pažnju, osobito zato što nije bio upoznat sa činjenicom da ranije nije bilo podataka za područje Bosne i Hercegovine.



Slika 1. Geografski položaj lokaliteta na kojima je zabilježen kameničar
Figure 1. Geographic location of localities where Ruddy Turnstone was observed

Drugo posmatranje kameničara bilo je 29.07.2016. godine. Oko 12 sati tog sunčanog dana Ilhan Dervović i Dražen Kotrošan su na rubu pješčanog nasipa u društvu prutki i žalara ugledali jednu jedinku kameničara. Na istom mjestu ova vrsta je zabilježena i 27.08.2016, kada su oko 6 sati ujutro Ilhan Dervović, Goran Topić, Jovica Sjeničić i Draško Adamović vidjeli tri jedinke, a oko 19 sati Ilhan Dervović i Dražen Kotrošan su posmatrali jednu jedinku u društvu sa prutkama. Prema podacima dobijenim od Mirka Šarca, ova vrsta je viđana na istom mjestu u periodu juli-avgust.

Posljednja registracija u nizu bila je 30.08.2016. kada je ovu vrstu oko ušća Bosne u Savu kod Šamca vidio Draško Adamović. Jedna jedinka se hranila na travnjacima zajedno sa ćubastim ševama.



Slike 2.-4. Kameničar na Buškom jezeru (Foto: Goran Topić)
Figures 2-4 Ruddy Turnstone in Buško lake (Photo: Goran Topić)



Slike 5.-6. Kameničar u blizini Šamca (Foto: Draško Adamović)
Figures 5-6 Ruddy Turnstone near Šamac (Photo: Draško Adamović)

LITERATURA

- BirdLife International, 2017: Species factsheet: *Arenaria interpres*. Downloaded from <http://www.birdlife.org>.
- Hanžel, J. & Šere, D., 2012: Seznam ugotovljenih ptic Slovenije s pregledom retkih vrst. *Acrocephalus* 32(150/151): 143-203.
- Kotrošan, D., 2008/2009: Dopune i korekcije popisu ptica zabilježenih u Bosni i Hercegovini od 1888. do 2006. godine. *Bilten Mreže posmatrača ptica u Bosni i Hercegovini*, 4-5(4-5): 72-85.
- Saveljić, D. & Jovičević, M., 2015: Popis ptica Crne Gore sa bibliografijom. Centar za zaštitu i proučavanje ptica. Podgorica.
- Šćiban, M., Rajković, D., Radišić, D., Vasić, V. & Pantović, U., 2015: Ptice Srbije – kritički spisak vrsta. Pokrajinski zavod za zaštitu prirode i Društvo za zaštitu i proučavanje ptica Srbije, Novi Sad.
- Lukač, G., 2007: Popis ptica Hrvatske. *Natura Croatica*, Vol. 16, Suppl. 1 (Fauna Croatica XXXVII), Hrvatski prirodoslovni muzej, Zagreb.
- Velevski, M., 2011: Non-critical checklist of birds of Macedonia. <http://www.mes.org.mk/PDFs/Other/Checklist%20of%20birds%20of%20Macedonia.pdf>

SUMMARY

During 2015 and 2016 the Ruddy Turnstone, *Arenaria interpres* Linnaeus, 1758, was observed in three sites in Bosnia and Herzegovina. It was first registered on 2.5.2015. in Klepci, on a pebble ait on Neretva. This species was observed for the second time in Buško lake, where it was seen on several occasions in the period from 29.07.2016. to 27.08.2016. The last sighting was on 30.08.2016., around the confluence of Bosna into Sava near Šamac. Those are the first data on this bird species for Bosnia and Herzegovina.